



অবিলম্বে প্রকাশের উদ্দেশ্যে: 12/21/2023

গভর্নর ক্যাথি হোকল

গভর্নর হোকল স্টেট পুলিশ বেসিক স্কুল থেকে 213তম সেশনের গ্র্যাজুয়েশনের ঘোষণা দিলেন

**232 জন নতুন ট্রুপার নিউ ইয়র্ক স্টেট পুলিশের র‍্যাক্কে যোগদান করবে**

**গভর্নর হোকল নিউ ইয়র্ক স্টেট পুলিশের জন্য অসাধারণ একটি বছরের স্বীকৃতি প্রদান করলেন, তারা দুর্যোগ সাড়াদানে সহায়তা করেছে এবং অগণিত হাই প্রোফাইল মামলার সমাধান করেছে**

গভর্নর ক্যাথি হোকল আজকে ভারপ্রাপ্ত সুপারিন্টেনডেন্ট ডমিনিক এল. শিউমেন্টোর সাথে যোগ দিয়ে নিউ ইয়র্ক স্টেট পুলিশ একাডেমির (New York State Police Academy) বেসিক স্কুলের (Basic School) 213তম সেশন থেকে গ্র্যাজুয়েট করা 232 জন নতুন স্টেট ট্রুপারকে সম্মান প্রদান করেন। আলবানিতে এম্পায়ার স্টেট প্লাজা কনভেনশন সেন্টারে এই অনুষ্ঠানের আয়োজন করা হয়। আজকের গ্র্যাজুয়েশনের ফলে স্টেট পুলিশের (State Police) র‍্যাক্কে প্রতিজ্ঞাবদ্ধ সদস্যের সংখ্যা বৃদ্ধি পেয়ে 4,781 হলো।

"জনসেবায় নিজেদেরকে নিবেদিত করার জন্য এবং নিউ ইয়র্ক স্টেটের মানুষকে সুরক্ষা প্রদানে তাদের প্রতিশ্রুতির জন্য আমি এই 232 জন নারী পুরুষের প্রশংসা করছি," **গভর্নর হোকল বলেন।** "নিউ ইয়র্ক স্টেট পুলিশের সদস্যরা প্রতিদিন দায়িত্বরত অবস্থায় আমাদের বাকিদেরকে নিরাপদ রাখতে নিজেদের জীবনকে ঝুঁকিগ্রস্ত করে, এমন একটি সময়ে যখন তাদের মিশনসমূহ আরো কঠিন ও জটিল হয়ে উঠেছে। সকল নিউ ইয়র্কবাসীর পক্ষে, গ্র্যাজুয়েটদের কঠোর পরিশ্রম ও অধ্যবসায়ের জন্য আমি তাদের ধন্যবাদ জানাচ্ছি, এবং দীর্ঘ ধূসর সারিতে তাদের স্বাগত জানাচ্ছি।"

**নিউ ইয়র্ক স্টেট পুলিশের ভারপ্রাপ্ত সুপারিন্টেনডেন্ট ডমিনিক এল. শিউমেন্টো বলেন,** "নিউ ইয়র্ক স্টেট পুলিশের গর্বের ইতিহাসে আজকের দিনটি আরেকটি উল্লেখজনক মুহূর্ত। গ্র্যাজুয়েশন অনুষ্ঠানটি আমাদের সেরা ঐতিহ্যগুলির একটি এবং এটি উচ্চ প্রশিক্ষণপ্রাপ্ত ট্রুপারদের নতুন একটি প্রজন্মকে পরিচয় করিয়ে দেয়, যারা সম্মান ও সততার সাথে নিউ ইয়র্ক স্টেটের নাগরিকদের সেবাদান করবে। শ্রেণীকক্ষের ভেতরে ও বাইরে উভয় স্থানে তারা বহু মাসের কঠিন প্রশিক্ষণের মধ্যে দিয়ে গিয়েছে, এবং আমাদের র‍্যাক্কে নিজেদের স্থান করে নিয়েছে। দেশের সবথেকে মর্যাদাপূর্ণ এবং অত্যন্ত সম্মানিত আইন শৃঙ্খলা রক্ষাকারী এজেন্সিতে এই গ্র্যাজুয়েটদের স্বাগত জানাতে পেরে আমি গর্বিত।"

জুন মাসে গত স্টেট পুলিশ গ্র্যাজুয়েশনের পর থেকে, স্টেট পুলিশ পুরো নিউ ইয়র্ক স্টেটে জীবন রক্ষা, যুগান্তকারী মামলাসমূহে জড়িত হয়েছে। স্টেট পুলিশ গিলগো বীচ সিরিয়াল কিলারকে ধরার ব্যাপারে জড়িত ছিলো, যা লং আইল্যান্ড সম্প্রদায়ে নিরাপত্তাবোধকে ফেরত নিয়ে আসে। পাশাপাশি, অরেঞ্জ কাউন্টির একটি বাস দুর্ঘটনায় ফার্মিংডেলের 50 জনের বেশি হাই স্কুল শিক্ষার্থীর জীবন রক্ষা করতে স্টেট পুলিশ জড়িত ছিলো। সবশেষে, একটি স্টেট পার্ক থেকে অপহরণ হওয়া কমবয়সী একটি মেয়েকে ফিরিয়ে আনার ক্ষেত্রে স্টেট পুলিশ গুরুত্বপূর্ণ ভূমিকা পালন করেছে।

213তম বেসিক স্কুল সেশনের সকল গ্র্যাজুয়েটদের সম্মান জানানোর পাশাপাশি, ভারপ্রাপ্ত সুপারিন্টেন্ডেন্ট শিউমেন্টো নিম্নলিখিত পুরস্কারগুলি প্রদান করেন:

### **একাডেমিক অর্জন পুরস্কার**

স্টেট পুলিশ একাডেমি বেসিক স্কুলে যোগদানকারী সব শিক্ষার্থীর প্রতি বিশেষ অনুপ্রেরণা হিসাবে, সুপারিন্টেন্ডেন্ট একাডেমি প্রশিক্ষণের সময় সর্বোচ্চ স্তরের একাডেমিক নৈপুণ্য অর্জনের জন্য একটি আগ্নেয়াস্ত্র পুরস্কার প্রদানের পৃষ্ঠপোষকতা করেন। একাডেমিক অর্জন পুরস্কারের (Academic Achievement Award) বিজয়ী হয়েছে ট্রুপার মার্ক জে. নোভেলো, একজন 24 বছর বয়সী নিউ ইয়র্কের অ্যাসটোরিয়ার বাসিন্দা। অপরাধ ন্যায়বিচারে একটি ব্যাচেলর্স ডিগ্রি নিয়ে সে অ্যাডেলফি ইউনিভার্সিটি (Adelphi University) থেকে গ্র্যাজুয়েট করেছে। নিউ ইয়র্ক স্টেট পুলিশে একজন ট্রুপার হিসেবে যোগ দেওয়ার পূর্বে, সে 2 বছর নিউ ইয়র্ক সিটি পুলিশ বিভাগের (New York City Police Department) একজন পুলিশ অফিসার ছিলো। একাডেমি প্রশিক্ষণ কর্মসূচির পুরো সময়ে সে অসামান্য মোট একাডেমিক গড় 97.23% অর্জন করে। তাকে ট্রুপ K-তে নিযুক্ত করা হবে।

### **আগ্নেয়াস্ত্র দক্ষতা পুরস্কার**

নিউ ইয়র্ক স্টেটের ট্রুপার ফাউন্ডেশন (New York State Trooper Foundation) আগ্নেয়াস্ত্র প্রশিক্ষণের সব স্তরের সর্বোচ্চ পর্যায়ের দক্ষতা অর্জনের জন্য একটি আগ্নেয়াস্ত্র প্রদানে পৃষ্ঠপোষকতা করেছে।

সুপারিন্টেন্ডেন্টের আগ্নেয়াস্ত্র দক্ষতা পুরস্কারের (Superintendent's Firearms Proficiency Award) বিজয়ী হয়েছে ট্রুপার ডেভিড এ. হিথ, 25 বছর বয়সী নিউ ইয়র্কের সেন্ট্রাল স্কয়ারের বাসিন্দা। নিউ ইয়র্ক স্টেট পুলিশে যোগদানের পূর্বে সে 4 বছর ওসোগেগো কাউন্টি শেরিফের অফিসে (Oswego County Sheriff's Office) একজন ডেপুটি ছিলো। আগ্নেয়াস্ত্র প্রশিক্ষণের সময় সে সম্ভাব্য 250 স্কোরের মধ্যে 250 গড় স্কোর অর্জন করে। তাকে ট্রুপ D-তে নিযুক্ত করা হবে।

### **ইনভেস্টিগেটর জোসেফ টি. আভেরসা শারীরিক ফিটনেস পুরস্কার**

একাডেমিতে শারীরিক প্রশিক্ষণ কর্মসূচি চলাকালীন সময়ে সর্বোচ্চ শারীরিক ফিটনেস অর্জন করার পুরস্কার হিসেবে একটি আগ্নেয়াস্ত্র প্রদান করার জন্য নিউ ইয়র্ক স্টেট পুলিশ ইনভেস্টিগেটর্স অ্যাসোসিয়েশন (New York State Police Investigators Association) পৃষ্ঠপোষকতা করেছে। এই পুরস্কার মৃত ইনভেস্টিগেটর জোসেফ অ্যাভার্সা এর স্মৃতির সম্মানে প্রদান করা হবে। তদন্তকারী আভেরসা 5 মার্চ, 1990 তারিখে নিউ ইয়র্ক সিটিতে একটি মাদক তদন্তের সময় চূড়ান্ত আত্মত্যাগ করেন, তখন তিনি যৌথ ড্রাগ এনফোর্সমেন্ট টাস্ক ফোর্সের (Joint Drug Enforcement Task Force) সদস্য হিসেবে কর্মরত ছিলেন। ইনভেস্টিগেটর

অ্যাভার্সা ছিলেন স্টেট পুলিশে ছয় বছর ধরে কর্মরত একজন ভেটেরান যিনি বিশ্বাস করতেন যে শারীরিক অবস্থা একজন ট্রুপার হয়ে উঠার অবিচ্ছেদ্য অংশ।

পুরস্কারটি পাচ্ছে ট্রুপার পল আর. ট্রিপি, যে নিউ ইয়র্কের চিকটোয়াগার বাসিন্দা। অনুশীলন বিজ্ঞানে একটি ব্যাচেলর্স ডিগ্রি নিয়ে সে হুইলিং ইউনিভার্সিটি (Wheeling University) থেকে গ্র্যাজুয়েট করেছে। শারীরিক ক্ষিপ্ততা পরীক্ষার সময়ে সে 213তম সেশনের 232 জন সদস্যের সর্বোচ্চ নম্বর পেয়েছে, যা তার অসাধারণ শারীরিক অবস্থার প্রমাণ। তাকে ট্রুপ A তে নিযুক্ত করা হবে।

### **শিক্ষার্থী প্রতিনিধি**

অনুশীলনের সময় নিজেদের প্রতিনিধিত্ব করার জন্য শ্রেণীর যে সদস্যকে তার সহপাঠীরা নির্বাচিত করবে তার জন্য নিউইয়র্ক স্টেট ট্রুপার্স পুলিশ বেনিভোলেন্ট অ্যাসোসিয়েশন (Police Benevolent Association, PBA) একটি আশ্বেয়াস্ত্র প্রদানে পৃষ্ঠপোষকতা করে। PBA ট্রুপার চতুর্থ জন জে. ম্যাককেনার স্মৃতিতে এই পুরস্কার প্রদান করে, যিনি 2006 সালে ইরাকে নিজ দেশের মেরিন হিসেবে কর্মরত অবস্থায় নিহত হন।

পুরস্কারটির বিজয়ী হয়েছে 32 বছর বয়সী ট্রুপার কেভিন জে. নাইটস, যে নিউ ইয়র্কের স্কেনেকট্যাডিতে বাস করে। মধ্যপ্রাচ্য শিক্ষায় একটি ব্যাচেলর্স ডিগ্রি নিয়ে সে ফোর্ডহ্যাম ইউনিভার্সিটি (Fordham University) থেকে গ্র্যাজুয়েট করেছে। নিউ ইয়র্ক স্টেট পুলিশে যোগদান করার পূর্বে সে 4 বছর রোটটারড্যাম পুলিশ বিভাগে (Rotterdam Police Department) কাজ করেছে এবং 12 বছর মার্কিন যুক্তরাষ্ট্রের সামরিক বাহিনীতে দায়িত্ব পালন করেছে। তাকে ট্রুপ G তে নিযুক্ত করা হবে।

অ্যালবানির এম্পায়ার স্টেট প্লাজার কনভেনশন সেন্টারে গ্র্যাজুয়েশন অনুষ্ঠানটি আয়োজিত হয়। ট্রুপার ক্যামেরন ডি. ফ্রায়ার জাতীয় সঙ্গীত পরিবেশন করেন। অনুষ্ঠানটিতে 213তম বেসিক স্কুল সেশনের সদস্যদের সম্পন্ন করা প্রশিক্ষণের একটি ভিডিও প্রেজেন্টেশন ছিলো।

27 ডিসেম্বর, 2023 তারিখে নতুন ট্রুপাররা মাঠপর্যায়ে দায়িত্ব পালন শুরু করবে। পরবর্তী 10 সপ্তাহ ধরে নতুন ট্রুপারদেরকে সিনিয়র মাঠপর্যায়ে প্রশিক্ষণ কর্মকর্তাদের (Field Training Officers) তত্ত্বাবধান করা একটি মাঠ পর্যায়ের কর্মসূচির অধীনে মূল্যায়ন করা হবে।

###

আরো সংবাদ এখানে পাওয়া যাবে [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418  
গভর্নরের অফিস থেকে আপডেট পেতে সাইন-আপ করুন: [ny.gov/signup](http://ny.gov/signup) | NEW YORK লিখে 81336 নম্বরে  
টেক্সট পাঠান

[আনসাবস্কাইব করুন](#)